

增訂

偽藥條辨

百冊

卷三

毒草部

十三種

木部

附果木
香木 寓木

十九種

卷四

石部

四種

蟲介部

七種

獸部

九種

附人部


一種



中華民國十七年十一月初版

增訂偽藥條辨

每部二冊英洋六角



寄售處

各埠大書莊

上海	紹興	南台	分發行所	印刷所	發行所	發明者	原著者
大東	育新	鄭拓襟君	紹興小	紹興城	內大街	鄞縣	閩縣
千頃	新潤	鄭拓襟君	教場	和濟藥局	曹赤電炳	鄭奮揚	鄭奮揚
堂局	書局	堂局				省嚴	



增訂偽藥條辨卷三

閩縣 鄭奮揚肖巖遺著

鄞縣 曹赤電炳章集註

毒草部

土大黃 一

大黃本經謂之黃良。後人謂之將軍。以其有伐邪去亂之功也。古人以出河西隴西者爲勝。今以莊浪所產者爲佳。故一名莊大黃。莊浪縣即古涇原隴西地。至川中所出有錦紋者亦可用。味苦氣寒。色黃臭香。紫地有錦紋。方堪入藥。若此種土大黃。中微淡不黃。只可用爲香料。蓋其性不能通利。若誤服之。且能燥腸護穢。當細辨之。

炳章

按大黃九十月出新。陝西甘肅涼州衛出者。堅硬緊結色黃。頭起錦

紋似冰旋斑爲最佳。故俗名錦紋大黃。河南西寧州出者。形狀與前相類



。質略鬆。或曰中大黃。四川出者空鬆。爲馬蹄大黃最次。山西亦出名味黃。久而變黑更次。皆不堪藥用。鄭君所云土大黃。或即此類也。

附子 二

附子以蜀地綿州出者爲良。氣味辛熱有大毒。主治風寒咳逆。邪氣寒熱。痿蹙拘攣。膝痛不能行步。破癥堅積聚。血瘕金瘡。今陝西亦時植附子。謂之西附。性雖辛溫。而力稍薄。不如生於川中者。土厚而力雄也。聞錄中有一種洋附混售。性味既劣。力量更遜。一經炮製。既難辨識。不免害人。更有一種臭附。尤不可用。慎之慎之。

炳章 按附子八九月出新。四川成都彰明產者爲川附。底平有角。皮如鐵。內肉色白。重兩許者。氣全最佳。性潮。鮮時用鹽漬醃。蓋不醃易爛。



。然經鹽漬過。性味已失。效力大減。景岳先生已辨之詳矣。陝西出者爲西附。黑色乾小者次

天雄 三

天雄氣味亦是辛熱有大毒。本經主治稍異而旨則同。凡附子種在土中。不生側子。經年獨長大者爲天雄。仍是蜀地綿州所產者爲勝。近今每有以厚附僞充。施之重症必不能奏效矣。

炳章 按天雄與附子同物。亦產四川彰明者良。凡長大端正。不生側枝。獨長本身。每個在三兩上下者。即名天雄。非別有一物也。厚附片。乃四川鮮附子製而切片。不經鹹漬洗漂。效力且比本漂淡附片勝數倍。凡用淡附片二錢厚附片只能用一錢。因其力猛也。

麻黃 四

增訂偽藥條辨

卷三

天雄 麻黃 乾薑

一一

和濟藥局印行



麻黃始出晉地。今榮陽汴州彭城諸處皆有之。氣味苦溫無毒。春生苗纖勁直。外黃內赤。中空有節。如竹形宛似毛孔。故爲發表出汗聖藥。南肆有以蕭草僞充。氣味既別。力量毫無。重症用之。不免貽誤。

炳章 按麻黃。九十月出新。山四大同府。代州邊城出者肥大。各書黃而

內赤色爲道地。太原陵壠縣。及五台山出者次之。陝西出者較細。四川滑州出者黃嫩。皆略次。山東河南出者亦次。惟關東出者。細硬蘆多不入藥。若蕭草僞充。更爲害人矣。

北干薑

俗省作姜 五

土北薑溫州所產。質鬆不結。味淡不辛。又有一種洋北薑。氣味尤劣。更不可用。按北干薑氣味辛溫。其色黃白兼見。乃手足太陰之溫藥也。凡製乾薑炮薑。當以三衢開化產者爲佳。用母薑水浸晒乾。以肉厚而白淨。結



實明亮如天麻者良。故又名白薑。近今藥肆。且有以傷水變味之生薑。晒乾炮用。未免有名無實。誤人匪淺。

炳章 按乾姜湖南均州出。小雙頭內白色。爲均姜。最佳。浙江台州出者。爲台姜。個小肉黃黑色者次。其他江南江西寧國四川皆出。總要個大堅實。內肉色白爲佳。

高良薑 六

陶隱居言高良姜始出高良郡。故得此名。別錄云氣味辛大溫無毒。主治暴冷。胃中冷逆。霍亂腹痛。近有僞品色黑而暗不黃。根瘦無味。非高良所產不可用。用之反有害矣。

炳章 按高良薑廣東海南出者。皮紅有橫節紋。肉紅黃色。味辛辣。爲道地。出貨多。用途少。僞者鮮見。南越筆記云。高良薑出於高涼故名。



根爲高良薑。子卽紅荳蔻。子未圻含胎鹽醴。經冬味辛香入饌。又云。乳物盛多謂之寇。是子如紅豆而叢生。故名紅豆蔻。今驗此花深紅如丹。與圖經花紅紫色相脗合。花罷結實。大如白果有稜。嫩時色紅綠。子細如橘瓢。所謂含胎也。老則色紅。卽草木狀之生薑。楚辭之杜若也。

川椒 七

川椒本經名蜀椒。列於中品。產於巴蜀。顆如小豆而圓。皮紫赤色。皮厚而裏白。味極辛烈而香。凡閉口者去之。近有土椒色黑無味。又安能溫中散寒乎。

炳章 按花椒山野自出。幹高五六尺至丈餘。梗生小刺。葉爲對生羽狀複葉。春日開小花黃綠色。初夏結實圓小。始色青綠。熟則變赤。裂開香氣甚烈。卽本草所謂之椒紅也。產地首推中州。名曰南椒。顆粒大。外



紫裏白。氣味濃厚。椒多日少最佳。江浙間釀酒家皆需此。產於蜀者。名川椒。產於秦嶺者名秦椒。顆粒略小尙佳。產於山東即墨縣者名東椒。又名女姑椒。色紅黑。氣味較薄爲次。江淮間產者。名土椒。粒小味淡。更次。

吳茱萸 八

僞名洋吳萸。味較辛辣。顆粒又小。服之反有頭痛。貽害匪淺。按吳茱萸江浙蜀漢皆有。多生吳地。故名吳萸。味辛溫有小毒。木高丈餘。葉紫色。似椿而闊厚。開紅紫花。結實纍纍成簇。似椒子而無核。嫩時微黃。熟則深紫。形色可辨。幸勿用洋吳萸。而貽害不少也。

炳章

按吳茱萸。上春出新。湖南長沙安化及廣西出者。粒大梗亦多。氣味觸鼻皆佳。浙江嚴州出者。粒細梗少。氣味略薄。亦佳。洋吳萸氣味

皆淡。不入藥用。惟近年絕少到。

半夏 九

僞名洋半夏。形雖似而粒不圓。不知何物僞充。誤服有害。按半夏氣味辛平有毒。青齊江浙隨處有之。生於澤中者。名羊眼半夏。總以圓白爲勝。陳久者良。若此種洋半夏。殆亦由跋混充歟。由跋即天南星之小者。絕類半夏。幸勿誤用。

炳章

按半夏三四月出新。杭州富陽出者。蒂平粒圓。色白質堅實。惟顆粒不大爲最佳。衢州嚴州出者。略扁。蒂凹陷。色白微黃亦佳。江南出者粒小。江北出者如帽頂形。皆次。四川荊州出者粒圓而大。色白質鬆。有筋。落水即胖大易腐。亦次。饒州涇縣揚州泰興出者。皆鬆碎。不道地。不能切片。漂作半夏粉用尙可。福建出者浸入水中即腐爛。更次



不入藥用。鄭君云。南星之小者。絕類半夏。然南星無論大小皆極扇。不若半夏之圓。以此分辨。不能可僞也。

蘇戈夏 十

蘇製半夏。當以宋公祠所製爲勝。因半夏性燥有毒。故用法製之。性較和平。去痰之功雖緩。然素體屬火者。頗見相宜。近今僞藥雜出。因蘇夏盛行。上海各處均有仿製。製法不同。功力自遜。而肆中所售土蘇夏者。係用半夏研末。調麪粉米泔搗爲圓粒。假充上海蘇夏。以僞亂僞。殊堪痛恨。

炳章 按蘇州戈製半夏。不但各地仿製作僞。且現洋托民信局去購。亦多

贗品。因該地信局。與僞半夏店訂有私約。與信局以重大回扣。而寄來仿單。亦屬相同。惟半夏色黯不香。無玉桂氣。戈老二房眞者。其色黃



亮。氣香有玉柱氣。欲購真者。必須託郵局匯洋掛號。寄蘇州閭門臨賴路戈老二房半夏店。則不致誤購僞品耳。且戈半夏方雖秘製。大約與本草綱目拾遺內。宋公夏相類。有肉桂。性溫燥。炳章實驗治寒濕痰上壅氣喘確效。凡治陰虛熱痰氣喘。苟誤服之。必因燥熱而咳血自汗。愈速其死矣。尤當注意之。

商陸 十一

僞名次商陸。卽俗所稱豬卜卜者。其性無從稽考。萬不可服。按商陸氣味辛平有毒。主治水腫癰腫。殺鬼精物。近道所在有之。春生苗高二三尺。莖青赤。極柔脆。葉如牛舌而長。夏秋開花作朶。根如蘿蔔。似人形者有神。有赤白二種。白根者花白。赤根者花赤。白者入藥。赤者毒更甚。俗名章柳不可服。服之見鬼神。嗟嗟。同是一種。根色赤者。尙不可用。豬



卜卜之異種乎。

炳章 按商陸八九月出新。各處皆出。吾江浙市上通用白商陸。赤者不入藥。服之有消燦筋腎之毒。故勿餌。鄭君所云豬卜卜。不知其形狀若何。因未曾見過。不敢忘評。

常山 十二

假者色極淡。真者色帶黃。按常山又名恒山。產益州及漢中。今汴西淮浙湖南諸州郡皆有。生山谷間。常山者根之名也。狀似荊根。細實而黃者。謂之雞骨常山。用之最勝。今市肆所買假常山。不知何物僞充。良可慨已。

炳章 按常山十月出新。湖南常陽山出者。色黃無蘆。形如雞骨者良。俗

稱雞骨常山爲最佳。如外黃內白粗大者皆僞。是別種樹根僞充。不可不



辨也。

瀉葉

十三

瀉葉產自外洋。性味和平。不傷中氣。爲西藥通便妙品。聞市肆有以別種樹葉混售。匪特不靈。抑且有害。用者須向屈臣氏藥房購取。方不誤事。

炳章

按瀉葉諸家本草。皆未搜採。考西藥略釋水瀉門。有新拿俗名洋瀉

葉。產印度埃及等處。高約二三尺。亦間有至七尺者。採葉用。形參味

苦不適口。功用能瀉大便。宜配別藥同服。或泡服。或作散末服。西藥

大成名辛拿。類別有八種之多。其云印度替納勿里所產。其樹長。葉銳

尖形。質薄色黃綠者。亦稱道地。有一種葉尖圓而厚。則屬贗品。其他

辨論甚詳。不及備載。日本藥物學撮要名旃那葉。又名辛那葉。又名瀉

葉。其普通狀態。葉體扁平。而不反曲。質堅強而薄。帶黃綠色。葉柄

甚短。邊緣平坦。頂端尖銳。枝脈爲孤狀四分出。分甲乙兩種。甲種爲鉞針形。長二五仙米至五仙米。幅達於二仙米。乙種較甲爲小。爲尖卵圓形。長一仙米至二仙米。幅達二仙米。本品爲瀉利之實驗。近今多爲瀉下藥用之。

木部

附果木 香木 寓木

肉桂一

真桂出桂陽山谷。及廣州交趾者最佳。必肉厚氣香。色紫黯。有油。味甘。嘗之舌上極清甜者。方可用。若嘗之舌上不清。及切開有白點者是洋桂。大害人。洋桂尙不可用。近日有僞造肉桂者。聞用楊梅樹皮。其形似桂。晒乾。以薄桂熬取濃汁。浸潤透心。再晒再浸。以香油潤過。致色香既無以辨。屢以此等假桂遠販外府縣。及窮鄉僻壤。各小肆混售。害人無算。



安得有心人。爲之嚴行禁絕乎。

炳章 按肉桂爲樟科樟屬植物。常綠喬木。種類甚多。產越南廣西熱帶。

當分數種。曰清化。曰猛羅。曰安邊。(產鎮安關外)曰密桂

曰欽靈。曰潯桂。此總名也。又有猛山桂。(即大油桂)曰大石山。曰黃

摩山。曰社山。曰桂平。(即玉桂)產雲南曰蒙自桂。產廣東曰羅定桂

曰信宜桂。曰六安桂。最盛產外國者。爲錫蘭加西耶。皆名洋桂。大抵

桂之鑑別。一辨皮色。二辨氣味。辨皮之法。皆以形狀比喻。相似名之

。曰荔枝皮。曰龍眼皮。曰桐油皮。曰龍鱗皮。曰鐵皮。曰五彩皮。曰

硃砂皮。曰縐紗皮。皮以二色。惟野生無定形。總不外結、實、滑、潤、淨

、潔、六字爲要。桂性直上。身如枕椰。直豎數丈。中無枝節。皮紋直實

。肉如織錦。紋細而明者爲上桂。然野生者。間有橫紋。其形狀必蒼老

堅結。橫直交錯。斑點叢生。皮色光潤。紋細而滑。亦爲野生佳品。若橫紋多而色紅。皮粗紋粗。如荆棘滯手。皆爲下品。此辨皮色之要也。
。辨氣。觀其土產皮色。既知其外。又須嗅其氣。嘗其味。以知其內。
辨氣亦有六法如醇、厚、馨、燥、辣、木虱臭、是也。凡試桂聞氣。以手摸桂肉數轉。聞之即知。如清化桂則氣醇而馨。猛羅桂。則氣厚而馨。安邊桂則氣馨而不燥。潯桂或燥或辣。或氣如木虱臭者。亦有氣醇而微帶木虱臭者。若收藏年久。燥辣之氣消。惟木虱臭卒不能革除。或有馨香。得人工所製。亦帶木虱氣。皆屬僞種。要以馨而純。如花之清香不雜。若似花椒丁香氣而燥。如山奈皂角氣而辣。皆下品也。辨味。嗅氣之外。當試以味。試味之法。以百沸湯沖水少許。涼而嘗之。當分醇、厚、燥、辣、爲四味。且湯汁入口。分辨較鼻嗅更易明。必須味醇厚不燥辣者爲